

踏鳳沼之瓊瑤舊綴鸛鸞之末裂劍池之菡萏新分符竹之
餘矧辱從於大小籍咸之游茲復託於前後趙張之契此其
情誼之不淺豈俟聲盡而復明恭惟交代判府寺正人門之
懿兩隆學政之源一致懷連城而佩明月中函珠玉之輝提
干將而運青萍外迎犀兕之解蚤橫翔于九棘屢決讞於二
桃草綠園扉星沈貫索至今藉甚談者躋之作江西道院之
主人佳政自是其餘事侍天上玉皇之香案紬書即趣于遄
歸某倦飛作癡幽討成僻摧隕病鶴出樊籠而未能摩掌曉
猿幸蕙帳之無恙何上恩之優渥畀近郡之便安圍棋而燒
煥衣如故人之尚爾折梅而寄驛使媿芳訊之先焉敢拜重
勤願言多謝

筠州到任謝周右相啓